

**Bosna i Hercegovina
Federacija Bosne i Hercegovine
V L A D A**

Samo za službenu upotrebu

**Z A P I S N I K
103. hitne sjednice Vlade Federacije Bosne i Hercegovine
održane 07.08.2024. godine, telefonskim putem**

Sarajevo, august 2024. godine

Z A P I S N I K

**103. hitne sjednice Vlade Federacije Bosne i Hercegovine
održane 07.08.2024. godine, telefonskim putem**

Sekretar Vlade, gđa. Edita Kalajdžić, telefonski je kontaktirala Nermina Nikšića, premijera, te federalne ministre: Tonija Kraljevića, zamjenika premijera i federalnog ministra finansija, Vojina Mijatovića, zamjenika premijera i federalnog ministra razvoja, poduzetništva i obrta, Ramu Isaka, federalnog ministra unutrašnjih poslova, Vedrana Škobića, federalnog ministra pravde, Vedrana Lakića, federalnog ministra energije, rudarstva i industrije, Andrijanu Katić, federalnog ministra prometa i komunikacija, Nerina Dizdara, federalnog ministra raseljenih osoba i izbjeglica, Nedžada Lokmića, federalnog ministra za pitanja boraca i invalida odbrambeno-oslobodilačkog rata, Nediljka Rimca, federalnog ministra zdravstva, Jasnu Duraković, federalnog ministra obrazovanja i nauke, Sanju Vlasisavljević, federalnog ministra kulture i sporta, Kemala Hrnjića, federalnog ministra poljoprivrede, vodoprivrede i šumarstva, Amira Hasičevića, federalnog ministra trgovine, Željka Nedića, federalnog ministra prostornog uređenja, Adnana Delića, federalnog ministra rada i socijalne politike i Nasihu Pozder, federalnog ministra okoliša i turizma.

Nije glasao Nediljko Rimac, federalni ministar zdravstva.

DNEVNI RED

1. Prijedlozi rješenja:

a) Prijedlog rješenja o razrješenju Upravnog odbora „Agencije za vodno područje rijeke Save“ Sarajevo

b) Prijedlog rješenja o imenovanju privremenog Upravnog odbora „Agencije za vodno područje rijeke Save“ Sarajevo

Izjavitelj: Kemal Hrnjić, federalni ministar poljoprivrede, vodoprivrede i šumarstva

2. Prijedlog odluke o davanju na korištenje 19 (devetnaest) službenih putničkih automobila organima i tijelima Federacije Bosne i Hercegovine

Izjavitelj: Davorin Korać, direktor Službe za zajedničke poslove organa i tijela FBiH

AD. 1. Prijedlozi rješenja:

- a. Prijedlog rješenja o razrješenju Upravnog odbora „Agencije za vodno područje rijeke Save“ Sarajevo
- b. Prijedlog rješenja o imenovanju privremenog Upravnog odbora „Agencije za vodno područje rijeke Save“ Sarajevo

Vlada je donijela

- a. Rješenje o razrješenju Upravnog odbora „Agencije za vodno područje rijeke Save“ Sarajevo, u tekstu kako je predloženo, jednoglasno i
- b. Rješenje o imenovanju privremenog Upravnog odbora „Agencije za vodno područje rijeke Save“ Sarajevo, uz tehničku korekciju, većinom glasova, uz jedan suzdržan.

AD. 2. Prijedlog odluke o davanju na korištenje 19 (devetnaest) službenih putničkih automobila organima i tijelima Federacije Bosne i Hercegovine

Vlada je jednoglasno, uz korekciju u dijelu stupanja na snagu, donijela Odluku o davanju na korištenje 19 (devetnaest) službenih putničkih automobila organima i tijelima Federacije Bosne i Hercegovine.

**Broj: 03-02-1427/2024
07.08.2024. godine
Sarajevo**